



МОНГОЛ УЛС  
ХЭНТИЙ АЙМГИЙН ЗАСАГ ДАРГЫН  
ЗАХИРАМЖ

2021 оны 09 сарын 15 өдөр

Дугаар 2/136

Чингис хот

Цэрэг татлага зохион байгуулах тухай

Монгол улсын Засаг захиргаа нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.2, Батлан хамгаалах тухай хуулийн 17 дугаар зүйлийн 17.1.4, Цэргийн албаны тухай хуулийн 12, 13 дугаар зүйл, Засгийн газрын 2021 оны мн/114 дугаар тогтоол, Зэвсэгт хүчний Жанжин штабын даргын 2021 оны н/131 дугаар тушаалыг тус тус үндэслэн ЗАХИРАМЖЛАХ НЬ:

1. 2021 оны хоёрдугаар ээлжийн цэрэг татлагыг 10 дугаар сарын 01-нээс 10 дугаар сарын 25-ны хооронд явуулсугай.

2. Цэрэг татлагын товчоог дор дурдсан бүрэлдэхүүнтэй байгуулсугай.

Товчооны дарга:	Ж.Ганбаатар	Аймгийн Засаг даргын Тамгын газрын дарга
Орлогч дарга:	Н.Хүрэлээ	Цэргийн штабын дарга, Хурандаа
Гишүүд:	Ж.Эрдэнэбат	Онцгой байдлын газрын дарга, Хурандаа
	Б.Батсайхан	Цагдаагийн газрын дарга, цагдаагийн хурандаа
	Н.Алтангэрэл	Тагнуулын хэлтсийн дарга, Хурандаа
	Л.Мэндбаяр	Эрүүл мэндийн газрын дарга
	Д.Оюунгэрэл	Нэгдсэн эмнэлгийн дарга
	Г.Дашдаваа	Насан туршийн боловсролын "Гэгээрэл" төвийн захирал
	М.Шүрэнцэцэг	Хэрлэн сумын Засаг дарга бөгөөд Чингис хотын Захирагч
Нарийн бичгийн дарга:	Л.Цэнддорж	Цэргийн штабын Тоо бүртгэлийн офицер, хошууч

231010338

3. Цэрэг татлагын хуваарийг хавсралтаар баталсугай.

4. Цэрэг татлагын эмч нарын үзлэгийг "Иргэнийг цэргийн жинхэнэ албанд эрүүл мэндээр тэнцүүлэх болон цэргийн албан хаагчийн эрүүл мэндийн байдлыг тодорхойлох журам"-ын дагуу шинжилгээ, оношлогоог үндэслэн чанартай зохион байгуулахыг Нэгдсэн эмнэлэг (Д.Оюунгэрэл)-т, цэргийн албанд тэнцсэн хугацаат цэргийн албанд татагдагчдаас коронавируст халдвар/Covid-19/-ын PCR шинжилгээ авах, эмчлэгдэн эдгэрэх боломжтой залуучуудыг эрүүлжүүлэх ажлыг зохион байгуулахыг Эрүүл мэндийн газар (Л.Мэндбаяр)-т, цэргийн албанд татагдагчдын боловсролын түвшинг тогтоох, бичиг үсэг үл мэдэгч иргэдийг албан бус сургалтанд хамруулахыг Насан туршийн боловсролын "Гэгээрэл" төв (Г.Дашдаваа)-д, цэргийн албанд татагдагчдын гэмт хэрэг зөрчилд холбогдож байсан эсэхийг хянах, хөдөлгөөний аюулгүй байдлыг хангаж, хэв журмын зөрчлөөс урьдчилан сэргийлэх арга хэмжээ авахыг Цагдаагийн газар (цагдаагийн хурандаа Б.Батсайхан)-т, цэрэг татлагын байрны дотоод дэг журам сахиулах, цэрэг татлагын товчооны ажилд дэмжлэг үзүүлэхийг Онцгой байдлын газар (хурандаа Ж.Эрдэнэбат)-т, цэргийн албанд татагдагчдын болон тэдний ар гэрийн талаар нарийвчлан судлахыг Тагнуулын хэлтэс (хурандаа Н.Алтангэрэл)-т, цэргийн албанд татагдагчдыг эрүүл мэндийн болон нийгмийн даатгалд бүрэн хамруулж, бичиг баримтад тэмдэглэл хийхийг Нийгмийн даатгалын хэлтэс (Ц.Баярмаа)-т тус тус үүрэг болгосугай.

5. Зарлан дуудах хуудсыг нэрсийн жагсаалтанд орсон цэргийн албанд татагдагч бүрт хүргүүлэн, заасан хугацаанд Цэрэг татлагын байранд бэлэн байлгах, тэдний бичиг баримтыг бүрдүүлэх, сумын эрүүл мэндийн төвд коронавируст халдвар /Covid-19/-ын түргэвчилсэн шинжилгээ, цусны бүлэг тогтоох, хэвлийн чанд авиан оношлогоо, шээсний шинжилгээг урьдчилан хийсэн байх, Цэрэг татлагын товчооны бүрэлдэхүүнийг ажиллах нөхцөл, хоол хүнсээр хангах, Цэргийн албанд татагдагчдыг үдэж мордуулах, цэргийн албанаас халагдан ирж буй дайчдыг угтан авах, тэднийг ажлын байранд зуучлах ажлыг сахилга, зохион байгуулалтын өндөр хэмжээнд зохион байгуулахыг сумдын Засаг дарга нарт үүрэг болгосугай.

6. 2021 оны хоёрдугаар ээлжийн цэрэг татлагын товчоо, зохион байгуулах бүрэлдэхүүнийг үүрэг даалгавараар хангаж, ажиллах нөхцөлийг бүрдүүлэх, цэргийн албанд татагдагчдыг аймгийн цэрэг татлагын байранд ирүүлэх, цэргийн албанаас халагдагсaдыг бичиг баримттай нь хүлээн авч, цэргийн тоо бүртгэлд тусган, сумдын ЗДТГ-ын дарга нарт хүлээлгэн өгч, орон нутагт хүргэх ажлыг зохион байгуулахыг Цэргийн штаб (хурандаа Н.Хүрэлээ)-т даалгасугай.

7. Цэрэг татлагын үед болон тээвэрлэлгийн явцад коронавируст халдвар /Covid-19/- аас урьдчилан сэргийлэх, ариутгал халдвар үйтгэлийг тогтоосон хугацаанд хийх, улсын Онцгой комиссоос гаргасан журмыг сайтар мөрдөж ажиллах, Цэрэг татлагын товчооны гишүүд, эмч нар болон цэргийн албанд татагдагчдыг нэг удаагийн амны хаалт, ариутгалын бодисоор хангах, цэрэг татлагатай холбоотой ирүүлсэн өргөдөл, гомдлыг хуулийн дагуу хянан шийдвэрлэх, Зэвсэгт хүчний Жанжин штабаас тогтоосон хяналтын тоог баримтлан хуульд заасан шаардлага хангасан залуучуудыг хугацаат цэргийн албанд татаж, 10 дугаар сарын 20-нд багтаан алба хаах цэргийн ангиудад хүлээлгэн өгч, дунг 10 дугаар сарын 25-нд танилцуулахыг Цэрэг татлагын товчоо (Ж Ганбаатар)-нд үүрэг болгосугай.

ЗАСАГ ДАРГА

Ц.ИДЭРБАТ

